



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

METRICA PARAPHRASIS.



*V*t fax corusci prodiga luminis,
Opaca noctis vincere pertinax,
Dum cuncta lustrat, tabefacta
Emoritur viduata cera,

Suisque sese funerat ignibus;
Sic lenta tabes me penitus vorat
Depasta fibras, & sciendi

Dira animum cruciat libido,
Dum fata scrutor, quidlibet impotens
Tentare, abyssos dum bolide ingent
Dimensus, eternis minorem
Iudiciis animum fatigo.

Evisceratae tabe scientie
Prurigo mentis quod miserum rapis?
Quid millies exulcerato

Quæris opes animosque morbo?
Rursum en doloris fibra renascitur.
Iusti & tenaces sunt sapientie,
Queis laurus eternat sacratos
Æmula celitibus triumphos.

Quorum æta librat magna Dei manus,
Et comprobatis sidera destinat:
At nosse mortali negatum est
Opprobrij meritum aut salutis.

Olim futuri præmia temporis
Altis tenebris occulit Deus,
Dum sorte sub Phæbi quadrigis
Res hominum parili rotantur.
Si culta rident arua, Hyperionis
Afflata vultu, iustus & impius

Par.

Partitur ex equo benignos
 Sideris auricomi fauores;
 Si facta nubes in Cererem ruit
 Siticulosam, lege Diespiter
 Promiscuâ probum improbumque
 Fruge beat pluuiâque rore:
 Fortuna letis indocilis fidem
 Servare rebus, si furit impotens
 Superba Magnatum probrosis
 Ruderibus tumulare tecta:
 Si bella Nereus Eolidum ciens
 Conuulsa verrit funditus aquora, aut
 Germana bellantis tyranni
 Sanguineo rigat imbre campos;
 Nec dia virtus eximios dabit
 Fræ clientes nauifragi maris,
 Nec cladis exfortes tueri
 Impietas poterit nefastos.
 Si fortè ruptâ nube Diespiter
 Illidat altis tela Ceraunius,
 Quemcumque sub dio morantem
 Nubiâgâ feriet sagittâ,
 Siue hic proteruo sacrilegus pede
 Disturbet aris sacrificos focos,
 Seu Numinis cultum propaget
 Thuricremos adolens honores.
 Si sæda terras inficiat lues,
 Mendacis æquè corripiet caput
 Reum sacramenti, cuique
 Religio rata dicta firmat.
 Si verset urnam dira Necessitas,
 Tristemque cludent fata catastrophem

G g g g 3

Mor-

Mortalis orchestra; æquè in omnes
 Sortilegæ dominantur Orna.
 O ceca nox! ô Cimmerium chaos!
 Nil insolenti fræna licentiæ
 Sic laxat, tot fandi ac nefandi
 Lex eadem, parilesque sortes.
 Indulget orbi dum facilis Deus,
 Suppurat agris ulceribus lues:
 Astræa conuiuens nonorum
 Mille vias scelerum recludit.
 Fecunda noxæ tempora! tempora
 Totis Gomorrhæ sulphureis rogis
 Vix expianda! quid profana
 Colluuiæ vitis inausum, aut
 Intaminatum præterit? O pudor
 Proscripte terræ finibus! ô poli
 Calcata maiestas! ô etas
 Tartareis vitiata monstris!
 Densis propinquat passibus interim
 Fatalis hora: ac immiserabiles
 Mors spiculum dextrâ coruscans.
 Tartareas rapit in cauernas.

PROSA EXEGESIS.

Amoris di-
 mini incer-
 situdo ani-
 mum tor-
 quet.

Bernardus
 Serm. 23.
 in Cant.

Hieron. in
 Vita Hilar.

NON immerito viros cordatos semper anxios atque
 exercitos habuit illa, quam oculis nostris offusam
 videmus, rerum humanarum nebula, præsertim vbi per
 hæc tenebras diuina illa vox auget terrorem, Nescit ho-
 mo vtrum amore an odio dignus sit. Terribilis est locus iste,
 ait D. Bernardus; & totius expers quietis. Totus inhor-
 rui, si quando in eum raptus sum. Qui horror ne in ip-
 sâ quidem morte B. Hilarionem deseruit, qui licet præ-
 clare